

MAKUNDI YA WANAADAMU SIKU YA KIAMA NO.2

<"xml encoding="UTF-8?">

BISMILAHİ RAHMANİ RAHIYMI

KWA JINA LA MWENYEEZI MUNGU MWINGI WA REHEMA MWENYE KUREHEMU

MAKUNDI YA WANAADAMU SIKU YA KIAMA NO.2

wanaadamu watagawika makundi mangapi katika siku ya malipo na jaza? *
Katika makala iliyopita inayohusiana na makundi ya wanaadamu siku ya Kiama, tulilielezea
kundi la mwanzo, na ama katika makala hii tutaendelea kuelezea makundi mengine.
Siku ya Kiama walimwengu watagawiwa katika makundi totfauti kwa mujibu wa itikadi na
amali zao walizozifanya duniani.
ndani ya Qur-ani limekuja likiwa na يمين *Kundi la watu watakaelekea upande wa kulia. Neno
maana ya upande wa kulia, na watu watakaelekea upande wa kulia ni wale ambao siku ya
Kiyama watapewa daftari ya amali zao walizozitenda kwa mkono wa kulia, basi hiyo ni alama
inayoonyesha saada njema ya watu hao, kama tunavyosoma ndani ya qur-ani kuhusiana na
.watu hao

فَأَمَّا مَنْ أُوْتِيَ كِتَابَهُ بِيَمِينِهِ. فَسَوْفَ يُحَاسَبُ حِسَابًا يَسِيرًا. وَيَنْقَلِبُ إِلَى أَهْلِهِ مَسْرُورًا[1]

Ama atakaye pewa daftari lake kwa mkono wa kulia, Basi huyo atahisabiwa hisabu nyepesi, Na
arudi kwa ahali zake na furaha.
Watu hao watabakia Peponi milele na kunufaika na neema zake Allah (s.w), wengi wao wa
kundi hilo watakaofaidika na neema hiyo ni kutoka katika uma wa Hadharati Muhammad
-:(s.a.w.w) kama tunavyosoma ndani ya qur-ani

لِّأَصْحَابِ الْيَمِينِ. ثَلَاثَةٌ مِّنَ الْأَوَّلِينَ. وَثَلَاثَةٌ مِّنَ الْآخِرِينَ[2]

Kwa ajili ya watu wa kuliani. Fungu kubwa katika wa mwanzo, Na fungu kubwa katika wa
mwisho.
Watu hao ni waumini, na waliishi duniani kwa kutekeleza maamrisho ya Mol wao, na
walipokuwa wakikutwa na tabu au mashaka hunasihiana na kuhimizana kuwa na subra, na
walikuwa wakifanya jitihada zao zote ili kuwaondolea matatizo yao wale waliokuwa wakihitajia
misaada kutoka kwao, basi waliwasaidia na kuwapa himaya mafakiri, mayatima, na masikini,

-:Mwenyeezi Mungu anawaarifisha watu hao kwa kusema

ثُمَّ كَانَ مِنَ الَّذِينَ آمَنُوا وَتَوَاصَوْا بِالصَّبْرِ وَتَوَاصَوْا بِالْمَرْحَمَةِ. أُولَئِكَ أَصْحَابُ الْمَيْمَنَةِ [3]

Tena awe miongoni mwa walio amini na wakausia kusubiri na wakausia kuhurumiana.

Hao ndio watu wa kheri wa kuliani.

*Kundi la watu wanaosonga mbele katika mambo ya kheri. Kundi litakalosonga kuelekea mbele ni lile kundi la watu ambao, baada ya kuwadhihirikia haki hawakupinga wala kufanya uvivu, bali walimuamini Mwenyeezi Mungu na waliyaamini yale waliyokuja nayo Mitume, na walivuka hatua ya kufanya amali njema nzuri na kutii maamrisha na desturi za Mola wao, katika qur-ani
-:tunasoma

أُولَئِكَ يُسَارِعُونَ فِي الْخَيْرَاتِ وَهُمْ لَهَا سَابِقُونَ [4]

Basi wote hao ndio wanao kimbilia katika mambo ya kheri, na ndio watakao tangulia kuyafikia. Watu hao waliotangulia katika kufanya yale ambayo wameamrisha na Mola wao, na wakamtii Mwenyeezi Mungu na Mitume yake, na walipokutwa na tabu walivuta subira, na wakapigana jihadi katika njia ya Mwenyeezi Mungu, hapana shaka kuwa watu hao ndio watu bora ukilinganisha na watu wengine

وَمَا لَكُمْ أَلَّا تُنْفِقُوا فِي سَبِيلِ اللَّهِ وَلِلَّهِ مِيرَاثُ السَّمَاوَاتِ وَالْأَرْضِ لَا يَسْتَوِي مِنْكُمْ مَنْ أَنْفَقَ مِنْ قَبْلِ الْفَتْحِ وَقَاتَلَ أُولَئِكَ أَعْظَمُ دَرَجَةً مِّنَ الَّذِينَ أَنْفَقُوا مِنْ بَعْدُ وَقَاتَلُوا وَكَلَّا وَعَدَ اللَّهُ الْحُسْنَىٰ وَاللَّهُ بِمَا تَعْمَلُونَ خَبِيرٌ [5]

Na mna nini hata hamtoi katika Njia ya Mwenyezi Mungu, na hali urithi wa mbingu na ardhi ni wa Mwenyezi Mungu? Hawawi sawa miongoni mwenu wenye kutoa kabla ya Ushindi na wakapigana vita.

Hao wana daraja kubwa zaidi kuliko wale ambao walio toa baadae na wakapigana. Na wote hao Mwenyezi Mungu amewaahidia wema. Na Mwenyezi Mungu anazo khabari za mnayo yatenda.

Watu waliotangulia katika mambo ya kheri ni wale walio karibu na Mola wao, kama
:(anavyosema Allah (s.w

وَالسَّابِقُونَ السَّابِقُونَ. أُولَئِكَ الْمُقَرَّبُونَ [6]

Na wa mbele watakuwa mbele. Hao ndio watakao karibishwa.

Watu hao watapata jaza na malipo mema, hata utakapofika muda wao wa kuitika wito wa Mola wao (yatakapowafikia mauti) hawatakuwa na hofu wala woga wowote, na watanufaika na

kila neema ya Mwenyeezi Mungu katika makazi yao huko Peponi. kama tunavyosoma ndani ya

–:Qur-ani

فَرُوحٌ وَرِيحَانٌ وَجَنَّةٌ نَعِيمٌ. وَأَمَّا إِنْ كَانَ مِنْ أَصْحَابِ الْيَمِينِ . فَسَلَامٌ لَّكَ مِنْ أَصْحَابِ الْيَمِينِ وَأَمَّا إِنْ كَانَ مِنَ
الْمُكَذِّبِينَ الصَّالِينَ [7]

Basi akiwa miongoni mwa walio karibishwa, Basi ni raha, na manukato, na Bustani zenye neema. Na akiwa katika watu wa upande wa kulia, Basi ni Salamu kwako uliye miongoni mwa watu wa upande wa kulia.

*Kundi la watu wenye (Ikhlasi) waliozitikasa na kuzisafisha nafsi zao na maovu. Kundi hilo ni kundi la waja wema na watiifu wa Mwenyeezi Mungu (s.w), watu wa kundi hilo mbali ya kumuamini Mwenyeezi Mungu, na kutangulia katika kufanya mambo mema, vile vile wana utukufu maalumu mbele ya Allah (s.w), utukufu ambao hauwezi kuonekana katika viumbe wengine, Mwenyeezi Mungu huwaepusha waja wake hao na kila maovu na machafu, –:(kama tunavyosoma kuhusiana na Nabii Yussuf (a.s

وَلَقَدْ هَمَمْتُ بِهِ وَهَمَّ بِهَا لَوْلَا أَنْ رَأَى بُرْهَانَ رَبِّهِ كَذَلِكَ لِنَصْرِفَ عَنْهُ السُّوءَ وَالْفَحْشَاءَ إِنَّهُ مِنْ عِبَادِنَا الْمُخْلَصِينَ [8]

Na hakika yule mwanamke alimtamani, na Yusuf angeli mtamani lau kuwa hakuona ishara ya Mola wake Mlezi. Hayo hivyo ni kwa ajili tumuepushe na uovu na uchafu. Hakika yeye alikuwa katika waja wetu waliosafishwa.

Watu hao wema watukufu walio na Ikhlasi wametukuka na wako katika daraja ya juu kabisa, kiasi ya kwamba hawawezi kufanya maasi hata kwa kukosea au kusahau, wako katika amani, na wamesalimika na wasi wasi wa shetani na iblisi. Mwenyeezi Mungu Mtukufu kuhusiana na –:watu hao anasema hivi

قَالَ فَبِعِزَّتِكَ لَأُغَوِّيَهُمْ أَجْمَعِينَ. إِلَّا عِبَادَكَ مِنْهُمْ الْمُخْلَصِينَ [9]

Akasema (Iblisi): Naapa kwa utukufu wako, bila ya shaka nitawapoteza wote, isipo kuwa wale .waja wako miongoni mwao walio khitariwa

.Surat Inshiqaaq Aya ya 7-9 [1]

.Suratul-Waqiah Aya ya 38-40 [2]

.Suratul Balad Aya ya 17-18 [3]

Surat Al-Muuminuun aya ya 61 [4]

.Suratul-Al-Hadiyd Aya ya 10 [5]

Surat-Al-Waqiah Aya ya 10-11 [6]

Surat Al-Waqiah aya ya 88-91 [7]

Surat Yussuf Aya ya 24 [8]

.Surat sad Aya ya 82-83 [9]